

太平興國或爲緊或爲望或爲中或爲上其爲鄉爲里制  
名取義亦各有所因焉如曰七賢因覩仙客如曰新登因  
更縣額若茲之類有所因而名鄉者也如云勲貴因命錢  
鏐如云白雀因見白雀若茲之類有所因而名里者也生  
齒居聚畜牧養蓄有塲有圃有廬有園有桑有梓有林有  
泉爨烟相望雞犬相聞隱隱振振繚垣綿聯櫛秀菰蕙象  
耕鳥耘賽華薌之重柜散漁阜之香杭俗享再稔之利婦  
蠶八育之綿家蓄鶴膝之器戶銜犀渠之精出入足以相  
友調教足以相生閒暇足以相樂急難足以相救頌曰  
負戴於道幼疾各得所而安吳地舊俗歷世